

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0064615 25
Zenica, 17.07.2025. godine

OPĆINSKI SUD U ZENICI
ZENICA

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije BiH, p o d i ž e m

O P T U Ž N I C U

Protiv:

B. A. zv. "Ž.", osuđivan više puta,

što je,

Dana 19.08.2024. godine, oko 00,30 sati, na području grada Z., u ulici..., naročito drskim i bezobzirnim ponašanjem i nasiljem ugrozio građanski mir oštećenog G. S. i njegove porodice, na način da je došao u zgradu u kojoj stanuje oštećeni G. S. sa svojom nevjenčanom suprugom K. M., njihovim mlđb. djetetom kao i njegovim ocem, nakon čega je na hodniku ispred stana stupio u prepirku sa oštećenim, a zatim je oštećenom G. S. zadao jedan udarac otvorenim dlanom u predjelu lica, te mu uzeo mobilni telefon iz kojeg je izvadio SIM karticu, zatim ulazi u stan, gdje nastavlja da galami i povišenim tonom da govori kako će M. i njihovo dijete zajedno sa S. baciti kroz prozor, a zatim je uzeo njihov laptop i isti bacio na zid, kojom prilikom je mlđb. djevojčica cijelo vrijeme plakala, svjestan i znajući da nasiljem ugrožava građanski mir oštećenog G. S. i njegove porodice, što je sve i htio, zatim se udaljio iz njihovog stana noseći sa sobom mobilni telefon koji je uzeo od S.,

dakle, nasiljem i naročito drskim i bezobzirnim ponašanjem prema drugom ugrozio građanski mir,

čime je počinio krivično djelo nasilničko ponašanje iz člana 362. stav 1. KZ F BiH.